

■ FRACZIUN PCD EN IL CUSSEGL GROND

Sesida da dus dis en Val Müstair

(cp) La fracziun da la partida cristian-democratica (pcd) en il Cussegl grond salva ils 17/18 d'avust ina sesida da dus dis en Val Müstair. Quàtras dat ella in cler signal politic en favur da las regiuns. La fracziun, sut il presidi da *Marcus Caduff*, sa raduna a Müstair per sa preparar sin la sessiun d'avust. En connex cun l'actuala discussiun davart la promoziun da las regiuns periferas en il Grischun metta la fracziun in accent impurtant sin la politica regiunala. La pcd s'engascha per fermas regiuns e bunas cundiziuns generalas. Il service public è da promover, sco era bunas scolas ed areal avert per construir – e quai senza gronda birocrazia.

Predeliberadas vegnan las fatschen-tas da la sessiun d'avust: La revisiun parziala da la lescha dal personal, la revisiun totala da la lescha da sanadad e la revisiun da la lescha per sustegnair bassegnus. Deputada *Silvia Casutt-De-*

rungs, Falera, ha proponì d'examinar l'integraziun da l'uffizi per natira ed ambient en il departement per economia e socialesser. Da quai spetga la fracziun dapli efficienza, ina procedura pli sperta e megliers servetschs per vischinas e vischins. – La fracziun da la pcd vegn a trair ina bilantscha amez la perioda d'uffizi 2014–2018 e fixar la strategia per il rest da la legislatura ed intradar las preparativas per la tscherna dal cussegl grond e da la regenza 2018.

Da la sesida da dus dis fan era part: cuss. dals stans e president da partida *Stefan Engler* e cuss. gov. *Mario Cavigelli*. Ina sentupada datti era cun comembers da suprastanza da Val Müstair e simpatisants da la pcd. Beneventada vegn la fracziun da *Daniel Andri*, suppleant da deputà e president da la pcd Val Müstair sco era da l'anteriur deputà cristiandemocrat *Georg Fallet*.